



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

De epistola, Graduali & aliis usque ad offertorium,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

DE EPISTOLA, GRADU-
ALI, & alijs usque ad Offer-
torium.

VI:

1. Dictis Orationibus, Celebrans po-
sit super librum, vel super Altare ma-
nibus, ita ut palmæ librum tangant, vel
(ut placuerit) librum tenens, legit
Epistolam intelligibili voce, & respon-
detur à Ministro, *Deo gratias*. Et simi-
liter stans eodem modo, prosequitur
*Graduale, Alleluia, & Tractatum ac Se-
quentiam*, si dicenda sint. Quibus di-
ctis Sacerdos, si privatim celebret, ipse-
met, seu Minister portat librum Missa-
lis ad alteram partem Altaris in cornu
Evangelii, & dum transit ante medium
Altaris, caput cruci inclinatur, & Missa-
le sic locat, ut posterior pars libri respi-
ciat ipsum cornu Altaris, & nō ad parie-
tem, sive ad partem eius contra se di-
rectam.

2. Locato Missali in Altari, Celebrans
redit ad medium Altaris, ibique stans
iunctis manibus ante pectus, levatisq; ad
Deum oculis, & statim demissis, tū pro-
fundè

fundè inclinatus, dicit secretò, *Mundus
cor meum, & lube Domine benedicere. Do-
minus sit in corde meo*, ut in Ordinario.
Quibus dictis vadit ad librum Missalis,
ubi stans versus illum junctis manibus
ante pectus, dicit intelligibili voce, *Do-
minus vobiscum, Et cum spiritu tuo*. Deinde
pollice dextræ manus signo Crucis sig-
nat primò librum super principio Evan-
gelij quod est lecturus, postea seipsum
in fronte, ore, & pectore, dicens: *Se-
quentia vel Initium sancti Evangelij & c. R.
Gloria tibi Domine*. Tum junctis iterum
manibus ante pectus, stans ut supra,
prosequitur Evangelium usq; ad finem.
Quo finito, minister stans in cornu Epi-
stolæ post infimum gradum Altaris, res-
ponder, *Laus tibi Christe*, & Sacerdos
elevans parumper librum osculatur
principium Evangelij, dicens: *Per
Evangelica dicta & c.* præterquam in Mis-
sis Defunctorum, & nisi celebret coram
summo Pontifice, Cardinali, & Lega-
to Sedis Apostolicæ, vel Patriarcha,
Archiepiscopo, & Episcopo in eorum
residentiis, quo casu defertur cuilibet
prædictorum osculandus liber, & Cele-
brans tunc non osculatur illum, nec di-
cis.

tit, *Per Evangelica dicta.* Cum autem nominatur JESUS, caput versus librum inclinat; & eodem modo versus librum genuflectit, cum in Evangelio est genuflectendum.

3. Dicto Evangelio stans in medio Altaris versus Crucem, elevans & extendens manus, incipit (si dicendum sit) *Credo*, cum dicit, *in unum Deum*, jungit manus, & caput Cruci inclinat: quo erecto, stans ibidem junctis ante pedes manibus, ut prius, prosequitur usque ad finem. Cum dicit, **JESUM CHRIS-
TUM**, caput Cruci inclinat. Cum dicit, *Et incarnatus est*, inclusive, genuflectit. Cum dicit, *simul adoratur*, caput Cruci inclinat. Cum dicit, *Et iterum venturi seculi, Amen*: producit sibi manu dextrâ signum Crucis à fronte ad pedes.

4. In Missa solemnè Subdiaconus circa finem ultime Orationis accipit amababus manibus librum Epistolarum, deferens illum supra pedes, & facta Altari genuflexione in medio, vadit ad partem Epistolæ contra Altare, & cantat Epistolam, quam etiam Celebrans interim submissa voce legit, assistente sibi Diacono à dextris, & iterum: Graduale, Tractum &c.

usque ad Munda cor meum. Epistola cantata Subdiaconus facit iterum genuflexionem Altari in medio, ac credit ad Celebrantem, & genuflectens osculatur eius manum, & ab eo benedicitur, praterquam in Missis Defunctorum.

5. Postea idem Subdiaconus accipit Missale Celebrantis, defert ad cornu Evangelij in Altare, & ibi ministrat Celebranti: qui submissa voce dicto, Munda cor meum &c. in medio Altaris, & deinde lecto Evangelio, quod in fine non osculatur, delato etiam per Diaconum libro Evangeliorum ad Altare, imponit incensum in thuribulum, Postea Diaconus genuflexus ante Altare dicit, Munda cor meum, & accipiens librum Evangeliorum de Altari, petit benedictionem à Celebrante similiter genuflexus in superiore gradu Altaris: & osculata illius manu, precedentibus Thuriferariis & duobus Acolythis cum candelabris accensis de credentia sumptis, vadit cum Subdiacono à sinistris ad locum Evangelij contra Altare versus populum, ubi Subdiacono librum tenente in medio inter duos Acolythis tenentes candelabra accensa, dicit Dominus vobiscum, in vestris manibus. Cum dicit, Sequentia &c. signat librum in principio Evangelij, frontem, os, & pectus: postea ter librum incensat, hoc est

in medio, à dextris & à sinistris, & prosequitur Evangelium iunctis manibus. Interim Celebrans post datam Diacono benedictionem, retrahens se ad cornu Epistola, ibi stat iunctis manibus. Et cum Diaconus dicit, Sequentia sancti Evangelij, Sacerdos etiam signat se, & cum nominatur Iesus, caput inclinat versus Altare. Finito Evangelio Sacerdos osculatur librum, à Subdiacono sibi delatum dicens: Per Evangelica dicta, &c. & à Diacono ter incensatur. Si sit coram Pralato in sua residentia, liber defertur ad Pralatum, ut supra, & ille incensatur, ut in Pontificali. Postea stans in medio Altaris versus ad Crisem, incipit, si dicendum sit, Credo, stantibus post eum Diacono & Subdiacono: deinde ad Altare accedentibus, & cum eo prosequentibus, ut dictum est ad Gloria in excelsis.

6. Si autem sit predicandum, Concionator finito Evangelio predicet, & sermone sive concione expleta, dicatur Credo, vel si non sit dicendum, cantetur Offertorium.

7. Cum vero in Symbolo cantatum fuerit Et incarnatus est, Diaconus accepta Bursa de Credentia, amababus manibus eam deferat elevatam cum solitis reverentiis ad medium Altaris, in quo explicat Corporale, & revertitur ad Celebrantem. Cum non dicitur Cre-

do, Subdiaconus desert Bursam simul cum Calice, ut infra dicitur.

3. Si quandoque Celebrans cantat Missam sine Diacono, & Subdiacono: Epistolam cantat in loco consueto aliquis Lector super pelt eo indutus, qui in fine non osculatur manum Celebrantis: Evangelium: autem cantat ipse Celebrans ad cornu Evangelij, qui & in fine Missa cantat, Ite Missa est, vel Benedicimus Domino, aut Requiescant in pace pro temporis diversitate.

ANNOTATIO.

V Lectorus Evangelium dicto: Dominus sit in corde meo, &c non se signet, neque dicat: In nomine Patris, & Filii, &c.

Ad verba *Sequentia*, vel *Initium sancti Evangelij*, &c signet se, non una sola Cruce magna a fronte, ad pectus ducta, sed tribus parvis in fronte, ore, & pectore, Dum se signat, ad verba illa *Gloria tibi Domine*, non se vertat neque inclinat versus Crucem, sed librum respiciat erectus.

Non legat Evangelium in medio Altaris, sed minimum procero passu à medio versus cornu Evangelii prolato.

Stet rectus versus librum, brachijs seu manibus non innitendo Altari, vel libro. Cum durat.

durante quocunque Evangelio flectendum vel inclinandum fuerit, id nunquam fiat versus Crucem vel Venerabile Sacramentum, sed semper versus librum.

Ad verba, *Et incarnatus est, &c.* non utrumque, sed dextrum tantum genuflectat.

In fine Evangelii absque ulla Crucis productione osculetur librum; quem mox, unâ cum pulvinari vel pulpito à cornu Evangelii ad medium Altaris trahit.

In *Missâ solenni* Subdiaconus non patiatur sibi ferri librum Epistolarum ad Altare, sed ipse accipiat eum in credentia.

Dum celebrans legit Evangelium, ipse Subdiaconus stet à sinistris Diaconi in eodem gradu.

Lecto privatim Evangelio, Celebrans non osculetur librum.

Lecto per Celebrantem Evangelio, Diaconus accipit librum Evangeliorum in credentia, quem ante pectus delatum ponit in Altari in cornu Epistolæ; Ministrat incensum Celebranti; Genuflexus in supremo gradu dicit. *Munda cor meum, &c.* Genuflectente Diacono ad benedictionem. Subdiaconus quoque & Acolythi cum cæteris Comministris genuflectunt.

Si Prælatus, &c. interfuit Sacrificio, Diaconus delato libro ad Altare, osculatur manum ipsius Prælati, &c. Cui non ipse Diaconus, sed Cæremoniarius, vel Assistens ministrat naviculam incensi. Postea Diaconus petit be-

E s

medio

benedictionem ab iplo Prælato, sine osculo manus.

Diaconus cantans Evangelium, non stet indirectè versus cornu Evangelij, sed directè versus parietem. Acolyrhi medium facientes Subdiaconum librum tenentem, respiciant ipsum Diaconum, simili modo quo Subdiaconus; qui tres caveant ne genuflectant, seu se inclinent unquam durante Evangelio.

Data benedictione Diacono, Celebrans non expectet versus ad Crucem, donec ipse Diaconus canat *sequenta*, &c sed ab eunde Diaconus ostatim facta Cruci reverentia inclinationis, vadat ad cornu Epistolæ, vertens se ad ipsum Diaconum.

Verba illa: *Et ille incensatur ut in Pontificali*, &c intellige: Si sit paratus Prælati mitra & pluviali, aliàs enim non nisi post incensationem oblatores tantum incensatur: Cærimoniale libro 2. cap. 9.

Celebrans ne canat, *Credo in unum, Deum*, alio modo ab unico illo in Missali notato.

DE OFFERTORIO, ET alijs usque ad Canonem.

VII.

1. Dicto *Symbolo*, vel, si non sit dicendum, post Evangelium, Celebrans osculatur Altare in medio, & junctis

ma